

চৈতন্য অধিবাস



এ, কে, শেখাম

সনাতন সাহিত্য আশ্রমের প্রথম প্রকাশন

প্রকাশকাল
অগ্রহায়ণ ১৩৯৫
নভেম্বর ১৯৪৮

প্রকাশক
সনাতন হামোম
পরিচালক
সনাতন সাহিত্য আশ্রম
কমলগঞ্জ, মৌলবী বাজার

প্রচ্ছদ
অরবিন্দ দাস গদ্য

মুদ্রণ
আলী প্রেস
২১ ছোট বাজার
ময়মনসিংহ

গ্রন্থস্বত্ব
শনারে ও চিত্রিত
(সমসার সৌজন্যে)

মূল্য: পঁচিশ টাকা

উৎসর্গ

কবিতা হ'বে শান্তিকামী মানুষের হিরন্ময় হাতিলার
এই মৌল আপশে' প্রত্যয়ী হয়ে
যাঁরা নিরলস নির্মাণ করে চলেছেন
কবিতার শিল্পিত ভূবন—
সেই সব আলাসী শব্দ শ্রমিকদের প্রতি... ..।

প্রকাশকের কথা

কবি এ.কে. শেরাম-এর কবিতায় অত্যন্ত প্রাণবন্তভাবে শান্তিকামী জনতার প্রতি মাটি ও মানুষের প্রতি নিগূঢ় মমতা ও সহানুভূতি সর্বতোভাবে উন্মূলিত হয়েছে। বায়ানের রক্তঝরা আন্দোলনের পর পড়ই তেপামের ফেরদুআরিতে কবিজন্মের কারণেই সম্ভবত তাঁর চৈতন্যে বৈপ্লবিকতার উদ্ভাসনা। শান্তিহীন জীবনের চরম ইন্দ্রিয়ক্ষোভের রোষানল থেকে বেরিয়ে আসা কাব্যের নির্মিত ছিলায় যোজনা করে চলেছেন শব্দের সুনিপুণ শব্দভেদী বাণ ; শান্তির সপক্ষে তথা শান্তিবিনাশীর বিরুদ্ধে। প্রচলিত অর্থ-সামাজিক পরিবেশকে শোষকের অধিকার থেকে ছিনিয়ে এনে শোষণহীন করে গড়ে তোলার জন্য তাঁর প্রবল প্রয়াস সত্যিকারই শান্তি প্রতিষ্ঠার এক অনিবার্ণ শিখা। প্রতিষ্ঠাশীল সমাজের বিরুদ্ধে কিংবা স্বাধীনতার শত্রুদের বিরুদ্ধে তাঁর কবিতায় প্রত্যঙ্গী শপথ নিয়ে অত্যন্ত তীব্রভাবে সোচ্চার করে তুলেছেন প্রতিবাদী কবিকন্ঠ। তিনি শোষকের বিরুদ্ধে প্রতি কবিতায় যেভাবে একাগ্রতা প্রকাশ করেছেন তাতে প্রমিতকন্ঠেই বলা চলে কবি শেরাম তাঁর কুঁবিসম্বার নজরুল কিংবা সুকান্তের উত্তরসূরী।

প্রসঙ্গত উল্লেখ না করলেই নয় ; চৈতন্যে অধিবাসের কবিতাগুলির অধিকাংশই কবির লন্ডন প্রবাসকালে সাপ্তাহিক জনমত ও বিভিন্ন পত্রিকায় প্রকাশিত হয়। কবিতাগুলি গ্রন্থাকারে প্রকাশ করার দায়িত্ব আমার স্ব-পরিচালিত "সনাতন সাহিত্য আশ্রম"কে প্রদানের জন্য আমি অত্যন্ত আনন্দিত। গ্রন্থ প্রকাশনার অদম্য উৎসাহ ও পরামর্শ দিয়েছেন অধ্যাপক যতীন সরকার। আমি তাঁর কাছে চির কৃতজ্ঞ। মর্দুণে সাব্বিক সহযোগিতা করেছেন আলী প্রেসের ব্যবস্থাপক ঝট্টু চক্রবর্তী। তার প্রতি রইল অসংখ্য ধন্যবাদ। যথেষ্ট সতর্কতার পরও কিছু বানান ভুল থেকে যাওয়ার আশঙ্কাজন্মিত। সবকিছুর দায়ভাগ মাথায় বহন করে করজোড়ে ক্ষমা চাইছি।

কিম্বিকিমিতী—

সনাতন ছায়ামোহন

০৫. ১১. ৮৮

সূচী

কেউ কথা রাখেনি—	৯		
কলমী বন্ধুকে	১১		
প্রতিরোধ	১২		
নারী তুমি বিবসনা হও	১৩		
আমাকে মিছিলে যেতে দাও	১৪		
রমণী ও তার রমণীয়তার			
ভালোবাসা	১৫		
অরণ্য দিপীত হোক	১৬		
কবি : ঈশ্বরের অঘোষিত	১৭		
শান্তির দূত			
প্রিয়তমেষু	১৯		
আমাকেই রচনা করতে হবে আমার	২১	স্বাধীনতাকে চেয়েছিলাম বলেই	৩০
এপিটাফ		প্রত্যাশার সোনালী বন্দর	৩১
ইদানীং জীবন	২৩	প্রত্যক্ষ করবো ভোরের সূর্যোদয়	৩২
পিতার প্রতি পুত্রের খোলা চিঠি	২৪	এমন একদিন ছিল	৩৩
ভালোবাসার পংক্তিমালা	২৬	মালবিকা তুমি কোথায় ?	৩৫
লন্ডনে এক রাতি	২৭	এভন নদীর তীরে	৩৭
অঙ্গীকার	২৯	স্বগত উচ্চারণ	৩৯
		ভালোবাসার কথামালা	৪০
		একদিন আমি যখন চলে যাবো	৪২
		প্রতীক্ষা	৪৩
		আমি স্বপ্ন দেখতে চাই	৪৫
		উর্ধ্বে তুলে ধরবো বিজয় পতাকা	৪৬
		ছল করে হলেও বেলো ভালোবাসি	৪৭
		একটি কবিতার জন্ম	৪৯
		শূভের সূর্যোদয়	৫১
		আজন্ম আমার প্রতিদিনই একুশ	৫২
		কবিতার কথকতা	৫৪

কেউ কথা রাখেনি

আমার জন্মের মূহুর্তে

মা আমার কপালে ভালোবাসার প্রগাঢ় চুম্বন এঁকে দিয়ে বলেছিলো

তোকে আমি সারাজীবন বন্ধুকে বন্ধুকে আগলে রাখবো।

ভালোবাসার অমৃতধারা দিয়ে উজ্জীবিত রাখবো অনন্তকাল।

কিন্তু মা-আমার কথা রাখেনি -

একাত্তরে ধর্ষিতা হয়ে

নীরব অভিমানে সবুজের জমিনে রক্তিম সূর্য হয়ে গেছে।

পিতা, তার ইউক্যালিপটাসের মতো ঋজু দেহ

টান টান করে বলেছিলো প্রত্যঙ্গী উচ্চারণে -

তোমাকে আমি পথ দেখাবো সত্যের - ন্যায়ের -

পোঁছে দেবো পথের প্রান্তসীমায় - প্রার্থিত দিগন্তে।

কিন্তু পিতা তার পথ চলতে চলতেই পঁচাত্তরের মধ্যভাগে এসে

হঠাৎ হারিয়ে গেলো গভীর লজ্জায় আর আত্মধিকারে।

আমার সাহসী ভাই কথা দিয়েছিলো -

তোমার সংগ্রামী মিছিলে আমি হবো তোর সাহসী চেতনা।

কিন্তু হায় মারীচ - মধ্যপ্রাচ্য!

তোরা অলীক স্বপ্নমগ্নের মোহময় হাতছানি সে এড়াতে পারেনি -

তাই সে আজ মধ্যপ্রাচ্যে।

আমার স্নেহময়ী বোন

একদা যে আমাকে বন্ধুকে জড়িয়ে ধরে কেঁদে কেঁদে বলেছিলো

আমার মায়ের অভাব পূরণ করে দেবে -

আমাকে ভালবাসা দেবে

যুদ্ধ-ক্রান্ত আমার হৃদয়ে উত্তাপ দেবে—
সে আজ, শনি, কোথায় কোন গার্মেন্টসে নাকি কাজ করে
উপার্জন করে কাড়ি কাড়ি টাকা।
কিন্তু, খুঁ-উ-ব উচ্চমূল্যে -
সমস্ত ভালোবাসা আর সম্ভ্রমের বিনিময়ে।
আসলে কেউ কথা রাখেনি।
এমনকি আমার প্রিয়তমা প্রেমিকা,
যে একদিন বলেছিল -
ভালোবাসাহীন এই পৃথিবীতে তুমি ভালোবাসার স্বর্গ রচনা করো
আমি হবো তোর অনন্ত প্রেরণাদাত্রী -
সেও আজ উৎকেন্দ্রিক নগর সভ্যতার আবর্তে পড়ে
কেমন অপরিচিতা হয়ে গেছে।
কেউ যখন কোন কথা রাখেনি
তখন আশ্বাসইবা কি দায়ভাগ একাকী সমস্ত কথা রাখার?
তাই মাঝে মাঝে ইচ্ছে হয় বিকিয়ে যাই সমস্তের কাছে
হারিয়ে যাই শিকড়হীন সভ্যতার এই উন্মাতাল আবর্তে।
কিন্তু, পারি না।
পারি না কিছুরতেই ভুলে যেতে পিছদুটান আমার জন্মের প্রতি—
আমার দুঃখিনী জননীর অপাপবিদ্ধ ভালোবাসার প্রতি।

১০ মে '৮৫

হোটেল আল-বেলাল

ঢাকা

কলমী বন্ধুকে

যদি কোনদিন তুমি বরকতের এ বাংলায় আসো
দেখবে এখানে ছোপ ছোপ রক্ত লেগে আছে নিসর্গের বন্ধুকে
ভিড় জমিয়েছে দোয়েল, কোয়েল, শ্যামা আর খঞ্জনা—

যদি কোনদিন তুমি সালামের এ বাংলায় আসো,
দেখবে এখানে ফোটোনাকো বসন্তে ধবল চেরী
পীতাভ ড্যাফোডিল আর ডায়ান্থাস ধনীর বিলাস নিকুঞ্জ
বাংলার বন্ধু জুড়ে শূধ, কৃষ্ণচূড়া, পলাশ আর মান্দারের ভিড়।

যদি কোনদিন তুমি রফিকের এ বাংলায় আসো,
দেখবে এখানে পীচঢালা রাজপথ নহে নিকষ কালো
ভরত পাখীর প্রভাত সংগীতে জেগে ওঠেনাকো এ দেশের মানুষ
এখানে রক্তের আশ্চর্য কারুকাষ রাজপথে ঘুম ভাঙে বারুদের গন্ধে

যদি কোনদিন তুমি জব্বারের এ বাংলায় আসো,
দেখবে এখানে বাংলার নিসর্গ ক্যামোন রক্তের প্রলেপ মাথা
ঠিক ব্যানো জয়নুলের আঁকা প্রভাত সূর্যের ছবি
কারণ-বাংলার মানুষের হিমোগ্রোবিনে শূধ, কৃষ্ণচূড়া আর পলাশ।

যদি কোনদিন তুমি শহীদদের এ বাংলায় আসো।

২৪ জানুয়ারী '৭৬

সিলেট

প্রতিবোধ

মিথ্যে, ডাহা মিথ্যে,
ইতিহাস যা বলে গেছে সব মিথ্যে।
মিথ্যে যত অনাগত ভবিষ্যের বন্ধুকে
সৃষ্টির সোনালী স্বপন।
শুদ্ধ, সত্য এই একান্ত মনুহৃত
আর সত্য এই আমি—
এক মৃত্তিমান কবি
হতাশা-প্রপীড়িত, যুদ্ধ-ক্রান্ত
জীবনের ধূসর জমিনে বনে চলেছি
প্রত্যয়ী প্রাণের উষ্ণ আবেগ মঞ্জরিত
কবিতার স্বপ্নিল বীজ।

২১ জুন '৭৬

সিলেট

নারী তুমি বিবসনা হও

নারী, উর্বরা হে রমণী,
তোমার উর্বর ক্ষেত্র আর সঞ্জীবনী ফলগুধারা
অনাবিস্কৃত হয়ে পড়ে আছে আজো।
সভ্যতার মায়াবী পর্দার অন্তরালে।

তাই দেখো, তোমার পুরুষ প্রবর
তোমার উর্বর ক্ষেত্র আর সঞ্জীবনী ফলগুধারার খোঁজে
মায়াবীর পেছনে ছুটে ছুটে
মরুভূমির বৃকে আজ ক্ষুধায় তৃষ্ণায়
মরণের ঘরে দোদুল্যমান নুস্কর হয়ে আছে।

তাই হে নারী, তুমি বিবসনা হও আজ,
উন্মত্ত কর তোমার
ঐশ্বৰ্যের গোপন ভান্ডারের প্রবেশদ্বার।
নগ্নায়িত করে মেলে দাও
তোমার দেহের প্রতিটি ভাঁজ-তোমার উর্বর ক্ষেত্র;
কৰ্ষণে কৰ্ষণে ক্ষত বিক্ষত হতে দাও তারে।
তারপর, বেদনানীল সে ক্ষেত্রো' পরে দেখা দিক
ফলবান বৃক্ষের একটি সতেজ সবুজ অঙ্কুর।

১৪ নভেম্বর '৭৬
সিলেট

আমাকে মিছিলে যেতে দাও

নবজাত ভোরের কৃষ্ণ বৃক্কের উপর

নগ্নপদ মিছিল দেখলেই

আজ্ঞো মনে পড়ে—

সেই মলিন বসনা শোকাতার রমণীর পাণ্ডুর দৃষ্টি,

মনে পড়ে—

পঞ্চিশ বছরের ক্রমাগত নৈরাশ্যের ছাই ঢাকা তার

আকাঙ্ক্ষার সযত্ন লালিত প্রত্যয়ী অঙ্কুর

বাঁচিয়ে রাখার ক্ষীণতম প্রত্যাশার কথা,

মনে পড়ে—

শোকাতার সে রমণীর পাশ কেটে নিঃশব্দে এগিয়ে চলা

সুদীর্ঘ মিছিলের প্রতিটি শিশুর মূখ শূঁকে শূঁকে

তার সেই হারানো সন্তানের চেনামূখ খুঁজে বেড়ানো;

তারপর

ব্যর্থতার দুর্ব্বহ ক্লান্তি নিয়ে তব,

সন্তানের প্রতীক্ষারতা জননী গাভীর উৎসুক্য নিয়ে

অপেক্ষা করা আর এক মিছিলের।

আর ঠিক তখনই

মায়াবিনী 'সাসরীর' আশ্চর্য ভোজবাজীর মতো

সেই শোকাতার রমণীর মূখ

চির খাওয়া বােলার মানচিত্র হয়ে যায়।

আর আমি

বরকতের মতো শহীদ হতে হতে

শুধু শেষ চীৎকার করে বলি—

আমাকে আর একবার মিছিলে যেতে দাও।

০৫ ফেব্রুয়ারী '৭৭

সিলেট

রমণী ও তার রমণীয় ভালবাসা

বিগত যৌবনা কোন এক রমণী গোধূলীর বিবর্ণতা নিয়ে
এই স্লানি ধূসর পৃথিবীর পথে হেঁটে হেঁটে
একদিন হারিয়ে গিয়েছিল হেমন্তের কোন এক বিষয় সন্ধ্যায়।
জন্মলৈল কাক বা পিকাসোর গোয়েনিকা নয়
রিন্তা গোধূলী স্লানি সে বিগত যৌবনা রমণীই
ভীষণ ব্যথাতুর করে আমাকে—ঠেলে দ্যায় আত্মহননের পথে।
তবু, পিঠ ভরা কুঞ্জ নিয়ে ঘণ্টা বাজিয়ে বাজিয়ে ক্লান্ত কোয়াসিমোদো
অথবা, রাজপথে বাতি ফেরী করে ফেরা সেই বাতিওয়ালার মতো
আমিত্ত, নষ্টা নারীর প্রতি দুর্নিবার আকর্ষনের মতো
ক্যামোন একটা সর্বনাশা মোহে আচ্ছন্ন হোয়ে,
সে বিগত যৌবনা রমণীকে খুঁজে ফিরেছি
পৌষের হিমেল পৃথিবীতে ধূমল অন্ধকার সারিয়ে সারিয়ে।
আর সেই রমণী
রমণীর শরীরে তার রমণের সমস্ত বৈভবকে ছিড়িয়ে
মিটি মিটি জ্বলা জোনাকীর ভূতুরে আলোর
শেষ স্নাতের পেঁচার প্রেতাগ্নিত ধ্বনি, কিম্বা,
ক্লান্ত দুপুরের কাকের কালো ককশ ডাকে আত্মবিস্মৃত হোয়ে
বাদলভেজা আলপথে লঘু পদচিহ্ন রেখে রেখে
ঘাস কাঁদা মাড়িয়ে—ভিজে-চুপসে—
বৃষ্টি ভেজা কাকের মতো জ্বলু থবু হোয়ে
এসে দাঁড়িয়েছে এই ঘোর অন্ধকার বর্ষণ সন্ধ্যায়।
না, তিমির বিলাসী হোয়ে নয়
তার বিগত যৌবনকে—
প্রাণোচ্ছল জীবনকে—
এই বর্ষণকে ভালোবেসে।

১৬ জুন '৭৮

মৌলবী বাজার

অরন্য দীপিত হোক

এই ক'দিন আগে ও তো এমন ছিল না
এখন সঙ্গভীর অরন্যনী আমার চারিদিক
ক্রমশঃ গ্রাস করছে

অরন্যের ভাষা আমি বুঝি না
সে গম্ভীর নিষেধ - সে নিকষ কালো শব্দাবলী
আমার কেবল দীর্ঘ ন'মাসের কালো রাতি বলে ভ্রম হয়
আমি বিমূঢ় হই - হতচকিত হই
অন্তর্লীন এক বিস্ময়ে আর বেদনায় হতবাক হই

ঈশ্বর

তুমি তো আমার হৃদয়ে চেতনার দীপাবলী জ্বালো
তুমি তো তোমার চকিত বিদ্যাতালোকে খণ্ডিত করো আমার
অহংবোধের নিরংশী অন্ধকার

অতএব ঈশ্বর

আমি চাই

তোমার দীপ্তির একটুকু রেশ একবার বিচ্ছুরিত হোক
অরন্যের অন্ধকার মনন প্রদেশে
সে বিচ্ছুরন একবার শূন্য দাবানল হোক
শূন্য একবার সে অরন্য দীপিত হোক।

২১ ফেব্রুয়ারী '৮১

সিলেট

কবি : ঈশ্বরের অঘোষিত শান্তির দূত

প্রশান্ত আনন্দের এক নিমেষের ফসল হয়ে
মাতৃ জরায়ু থেকে নেমে এলাম
তরঙ্গ সংক্ষুব্ধ পৃথিবীর প্রাণ সমুদ্রে
যে মাহেশ্বর মূহুর্তে,
তখন থেকেই আমি ছিলাম আমদুন্ড, এক শান্তির সেনানী।
বহুতঃ আমি কবি
আমি ঈশ্বরের এক অঘোষিত শান্তির দূত।

কবিরা শান্তি চায়;
শান্তিকামী কোটি মানুষের জাতিসংঘে তাই
কবিরা তাদের প্রিয়তম প্রতিনিধি।
সেখানে তারা হৃদয়ের মাইক্রোফোনে
অবিরাম প্রচার করে সাম্য আর শান্তির ললিত বাণী,
কাব্যের সুনির্মিত ছিলায় যোজনা করে চলে
শব্দের নিপুণ শব্দভেদী বান
শান্তির শত্রুদের প্রতি।
আর তাই বদুগে বদুগে
কবিরা পতিত হন রাজরোষে;
লোরকা নিহত হয় গদুপুঘাতকের হাতে
বিশ্ব স্বীকৃতি পেয়েও কারারুদ্ধ হয় সোলঝেনিংসিন
সামাজিক অবজ্ঞা আর অবহেলায় জীবন ক্ষয়িত হয়
বোদলেয়ার মধুসূদন কিংবা নজরুলের
সাময়িক অত্যাচারে নিহত হয় নেরুদা।
কিন্তু কবিরাও প্রতিবাদী হয় শান্তির সপক্ষে;

অন্যায়ের প্রতিবাদে রাজ উপাধি বিসর্জন দেয় রবীন্দ্রনাথ
শব্দের কাতর্জ্জে আগুন ঝরায় নজরুল কিংবা সুকান্ত
ফেরদৌসী প্রত্যাখ্যান করে ঈর্ষণীয় রাজ ঐশ্বর্য।

আমি কবি,

ভিল্লেনামে, কম্বোডিয়া, ইন্ডিয়ায়

কিংবা আয়ারল্যান্ডে

শান্তির নিধনযজ্ঞ দেখে উদ্বেগাকুল আমি

শত্রুর নিমেষক্ষিপ্ত মারনাস্ত্রের বিরুদ্ধে

পাঠাই অনন্ত নক্ষত্রের মতো দীপ্ত শব্দের মিসাইল,

পাঠাই আমি শব্দের মোহন অস্ত্র সজ্জিত

লাখো কবিতার শান্তি বাহিনী;

পরাশক্তির পারমাণবিক পরাক্রম প্রতিযোগিতা দেখে

অধীর উৎকণ্ঠায় আমি বিন্দু রচনা করি

বিশ্ব শান্তির অমোঘ চার্টার,

বিশ্বের আবহাওয়া দূষিত হওয়ার আগেই

যা আমি পাঠিয়ে দিতে চাই পৃথিবীর সর্বত্র

মহাশূন্যে আর মহাজলধির বৃকে

শান্তির অতন্দ্র প্রহরী হিসেবে।

আমি কবি

শান্তির জাতিসংঘে আমি তাই

শান্তিকামী কোটি মানুষের স্থায়ী প্রতিনিধি।

শান্তি চাই আমি

মেধায় আর মননে

শান্তি চাই শান্তিহীন প্রতি জীবনে।

বৃদ্ধে নয়, শান্তি চাই প্রেমে আর ভালবাসায়

শান্তি চাই শব্দের সূক্ষ্মিত প্রণয়ে— কবিতায়।

৩১ ডিসেম্বর '৮১

সিলেট

প্রিয়তমেষু

প্রিয়তমা,

আমি আজ এক দুঃসময়ের মৃৎখোমর্দিখি।

আমার আকাশে চাঁদ নেই।

অতএব, বৃষ্ণতেই পারছে।

নন্দনতত্ত্বে আস্থাশীল হতে পারছি না।

একটা ক্রমাগত অক্ষকার কেবলই

ভয়ালদর্শন হাঙরের মতো ক্রমশঃ গ্রাস করছে

আমার চারিদিক-আমার পারিপার্শ্বিকতা-

যেন করালী মেদুর্ষা।

হেমন্তের এই বিষন্ন আকাশে সন্ধ্যাতাস নেই

বাগানে ফুল নেই-সবৎসা গাভীরা আজ দুঃখশূন্য।

নবানের সৌরভের পরিবর্তে

হেমন্তের বাতাসে আজ কেবলি সর্বনাশের উৎকট সন্ধ্যাস।

যন্ত্রণায় ক্লিন্ন আমার হৃদয় শূন্য

অস্থিরতার করাল ছায়ায় আমদুঃখ বিদ্ধ।

তবু, প্রিয়তমা, আমি তো জানি

তোমার আগমনের কাঙ্ক্ষিত মাহেন্দ্রক্ষণ প্রায় সমুপস্থিত।

আর তাই, এই দুঃসময়ের মৃৎখোমর্দিখি দাঁড়িয়েও

সহস্র প্রতিকূলতার বিরুদ্ধে

বলিষ্ঠ আত্মপ্রত্যয়ে যুদ্ধমানি আমি

শূন্য কাঙ্ক্ষিত প্রিয় মিলনের সেই ব্যগ্রপ্রতীক্ষার।

কারণ, আমি জানি,

তুমি এলেই আমার চারিদিকে সন্ধ্যাতাস বইবে।

বাগানে ফুল ফুটবে-

জননী গাভীরা দক্ষবতী হবে।

তুমি এলেই

আমার হৃদয় থেকে অস্থিরতার ছায়া কেটে গিয়ে

শীতের সোনালী রোদের মতো পাখা মেলবে

প্রশান্তির স্বপ্নল আলো।

আর তাই, এই দুঃসময়ের মূখোমুখ দাঁড়িয়েও

প্রবল প্রত্যয়ে যুদ্ধমান আমি

প্রিয়তমা, শূন্য তোমারি প্রতীক্ষায়।

২৯ নভেম্বর '৮৩

ঢাকা

আমাকেই রচনা করতে হবে
আমার এপিটাফ

ভালোবাসা ভালোবাসা বলে
তুমি মিথ্যে মাথা ঠুংক মরো অন্ধ দেয়ালে।
ভালোবাসা সে তো মরে গেছে গত প্রীত্মকালে।
তুমি যাকে ভালোবাসা বলে
আমি বলি তারে মোহ।
প্রাপ্তির তীরতম বোধ নিয়ে
সত্তাহীন কোন বস্তুপদঞ্জের প্রতি অন্ধ আকর্ষণ
সে তো ভালোবাসা নয়।

বস্তুতঃ —

এই পৃথিবীতে আজ আর ভালোবাসা নেই
হৃদয়জ কোনো উচ্চারণ নেই
মানবিক মূল্যবোধ নেই
কোনো মানুষের মৃত্যুতে কারো বিবাদিত বিলাপও
নেই।

এখানে এখন আলোহীন দিবসেরা কেবল
গোপন মন্ত্রণা করে অন্ধকারের সাথে।
এখানে কেবল নিঃশ্চেতনার এক আগ্রাসন
জুড়ে থাকে সারাক্ষণ
এখানে সবাই যেনো এক এক বন্দ্রমানব
সত্তাহীন ঘুরে ফিরে শূন্য কারো অদৃশ্য সঙ্গিতে।

আমি জানি,
একদিন আমার অবহেলিত মৃত্যুতে

কোনো অশ্রু,র প্লাবন বইবে না,
কারো বিবাদিত বিলাপ বা দীর্ঘশ্বাস
গ্রীষ্মের খর বাতাসকে ভারাত্মক করবে না,
কোনো কবি রচনা করবে না এক পঙক্তি
শোক গাথা ।
আমাকে ভাই, নিজেকেই রচনা করে যেতে হবে
আমার এপিটাফ ।

৪ জুলাই '৮৪
সিলেট

ইদানীং জীবন

ইদানীং জীবন কেমন যেন মৃত্যুগন্ধময়।
জীবনের চারিদিকে আজ ঘনিষে আসে
বিনাশের প্রলম্বিত কালো প্রচ্ছায়া।
আর আমার বোধির গভীরে
ক্রমাগত জন্ম নেয় কেবলি এক বিনাশী চেতনা।
ইচ্ছে হয় হারিয়ে যাই শূন্যতার অতলাভে।
নির্মিত্তিত হই দিগন্তলীন অন্ধকারের এই বিশাল ব্যাপ্তির মাঝে।
কিন্তু তখন -
অন্তর্গত সত্যের গভীরে শূন্য এক করুণ নিনাদ,
মগ্ন চৈতন্যে বৃষ্টি বেজে ওঠে জীবনের 'পাণ্ডজন্য'
সচকিত হই নিমেষে।
বিনষ্টের মোহজাল ছিঁড়ে বেরিয়ে আসি
সমর্পিত করি নিজেকে
প্যান্ডোরার বাক্সের সেই একমাত্র অবশিষ্ট বস্তু আশার পদপদটে।
আবার শূন্য করি
অবিশেষের সন্ধানে সেই অনাদি অনন্ত যাত্রা।

১১ জুলাই '৮৫

লন্ডন

পিতার প্রতি পুত্রের খোলা চিঠি

পিতা,

দুঃখই আমার আজন্মের সহযোগী।

জন্মই দেখেছি

ক্ষুধা, বন্যা আর মহামারী একান্ত প্রতিবেশী।

আর এই বৈঠী প্রকৃতির পাশাপাশি

আমার মূখের গ্রাস কেড়ে নিতে সব প্রস্তুত

আমারই হিংস্র স্বজন।

অথচ পিতা, তুমি আপন সবল সন্তানের

সমস্ত অন্যায় আচরন নির্বিবাদে এঁড়িয়ে গিয়েছো

অন্য বৃত্তরাষ্ট্রের মত;

আর এই হিংস্র স্বজনের নখরাঘাতে ক্লিন্ন কত জীবনের আত্মনাদ

বানভাসিতে বিরান চরের

স্বামীহারা পুত্রহারা কত সখিনার করুন মাতম

সমস্ত কিছতেই বধির থেকে

নিজেকে নিমগ্ন রেখেছো। আপন ভাগ্যের উন্মত্ত পাশা খেলার।

তবে কি পিতা, তুমি সত্যিই বধির ?

নাকি এ স্বেচ্ছা-বধিরতা তোমার

সুদক্ষ কোন সৈন্যের সুনিপুণ দৈহ বর্গের মতো ?

তোমার তো সমস্ত ইন্দ্রীয় আজ অনুভূতিহীন পিতা,

তাই জানো না খবর।

অতএব জেনে রাখো—

ধাতাসে আজ কেবলি রক্তের গন্ধ ;

ঈশানের পুঞ্জমেঘে আসন্ন ঝড়ের পূর্বাভাস।

এবার যদি রক্ত দিতে হয়, পিতা,

দিতে হবে তাদেরই-এতোদিন যারা রক্ত করেছে শোষণ।

আর যদি ঝড় আসে

তবে ছিন্নমূল নম্র-এবার মূল ধরেই দেবে টান।

অতএব, সাবধান পিতা-

এবার যা হারাতে হয়-তা তোমাদেরই।

কারণ-

শোষণ আর বণ্ডনা ছাড়া

আমাদের তো হারাবার আর কিছুই নেই।

২৪ জুলাই '৮৫
লন্ডন

ভালোবাসার পংক্তিমালা

পাতারা সব ঝরে গেল

গাছেরা হয়ে পড়ে রুদ্ধ কঠিন,

ভালোবাসা মরে গেলে

মানুষও হয়ে যায় অস্তিত্ববিহীন!

ভালোবাসা আছে বলেই

মানুষেরা বেঁচে আছে এ জগতে,

স্বর্গকে ভালোবেসেই

পৃথিবী ঘুরে তার কক্ষপথে।

সমস্যা সংকুল এ পৃথিবীতে

মরিতে মরিতে কতবার বাঁচিয়াছি,

তোমাকেই ভালোবেসেছি

আজ্ঞো তাই এ জীবনে বেঁচে আছি।

ক্ষয়িত প্রাণের এ পৃথিবীতে

যদি চাও প্রাণ স্পন্দিত নতুন জীবন,

আমাদের এ সকল প্রাণে

আনো তবে ভালোবাসার মহাপ্লাবন।

১৯ সেপ্টেম্বর '৮৫

লন্ডন

লন্ডনে এক রাত্রি

রাত্রি দশটা গত হয়েছে কিছুদ্ধন হলো।
আঁধার নেমেছে কখন সেই বিকেল চারটেয়
রাত্রির শরীরে এখন যৌবনোন্মুখ তরুণীর মতো উচ্ছলতা।
বিচিত্র বর্ণের আলিঙ্গনে বর্ণিল নিরন আলোয় উদ্ভাসিত
মহানগরীর ব্যস্ততম এলাকার এক বাস স্ট্যান্ডে দাঁড়িয়ে আছি
—কর্মশেষে ফিরে যাবো ইঙ্গিত গন্তব্যে
যেখানে আমার প্রিয়তমা স্ত্রী
সেন্ট্রাল হাটের এর মতো তার ভালবাসার উষ্ণতা ছাড়িয়ে
অপেক্ষা করছে আমার জন্যে।
ষিদায়ী হেমন্তের শীতাত রাত্রি
সেই কৈশোরে দেখা
বসন্তের উন্মাদম বাতাসে উড়ে যাওয়া শিমূল তুলোর মতো
হালকা বয়ফেরা উড়ে উড়ে যাচ্ছে নগরীর হিমেল বাতাসে।
তবু এই হিম শীতলতা উপেক্ষা করেই
কর্মচণ্ডল মানুষের সমস্ত উপস্থিতি দৃশ্যমানি সর্বত্র
গায়ে অভার কোট, হ্যাট, গ্লাভস আরও কত কি শীত বস্ত্র
শীতের বিরুদ্ধে যেন এক দরভেদ্য প্রাচীর।
দেখি-আনন্দোচ্ছল যুগল যুবক যুবতী
ফুটপাত ধরে হেঁটে যাচ্ছে আলোর বন্যায় ভেসে ভেসে -
হৃদয়ের গুঞ্জরণে মুখরিত তাদের প্রতিশ্রুত ভবিষ্যত
সহসা-জন্মের অধিকারেই বৃষ্টি
আমার স্মৃতির ফ্লাশব্যাকে ভেসে উঠে
হতাশা প্রপীড়িত স্বদেশ আর স্বজনের ছবি
শুহরের ফুটপাত গুলোতে পৌষের হিম রাতে

কুকুরের মতো কুন্ডলী পাকিয়ে
শীতবস্ত্রহীন শরয়ে থাকা অসংখ্য মানুষের মদ্য।
ভেসে ওঠে—
ব্ল্যাক আউটে আক্রান্ত আমার গ্রাম—প্রিয়তম স্বদেশ
যেখানে আলোহীন দিবসেরা কেবল
গোপন মন্ত্রণা করে অন্ধকারের সাথে
যেখানে কোন যুবকের কন্ঠে উচ্চারিত হয় 'জন্মই আমার
আজন্ম পাপ'
পরিচিত মদ্য গুঞ্জরণে হঠাৎ আমার আচ্ছন্নতা কেটে যায়
চেয়ে দেখি ছুটে আসছে উজ্জ্বল লাল রংএর এন-৮৩
আমার প্রতীক্ষিত বাস
আমার কেন যেন মনে হতে থাকে
আমার স্মৃতির ফ্লাশ ব্যাকে জমে থাকা তমসার বৃক চিরে
ক্রমশই যেন ফুটে উঠছে ভোরের উজ্জ্বলতা।

২৮ নভেম্বর '৮৫

লন্ডন

অংগীকার

পারমাণবিক যুদ্ধের সমূহ সম্ভাবনায়

আতংকিত আজকের এই পৃথিবীতে
চারিদিকে যখন শূন্য প্রতিনিয়ত ভাঙনের শব্দ
নীতি নিয়মের নীলাকাশে দেখি অবক্ষয়ের অন্তহীন আগ্রাসন
আর আলোহীন দিবসেরা যখন
কেবলই গোপন মন্ত্রণা করে অন্ধকারের সাথে
তখনও দেখি প্রত্যাশিত শান্তির অন্বেষণ
সমূহ স্রোতের বিপরীতে দ্বিধাহীন পথ চলে কতিপয় সাহসী মানুষ
মার্টিন লুথার কিং, বিবি স্যান্ডস, ইসহাক, সেলিম, বসদানিয়া,
বিশপ টুটু, ইশিদা, নেলসন ম্যান্ডেলা
কেবল দীর্ঘ থেকে দীর্ঘতরো হয় মিছিলের সারি
কিন্তু কাঙ্ক্ষিত সে শান্তি

পলাতক আজো পারমাণবিক ওয়ারেন্টের ভয়ে
অতএব, আজ আর কোন গোপন মন্ত্রণা নয়
নয় দ্বিধা — তাড়িত কোন বিভেদ চেতনা
আজ শূন্য, আমাদের সন্মিলিত একমাত্র উচ্চারণ হোক
শান্তি চাই
আগামী প্রজন্মের কাছে আমাদের অংগীকার
পারমাণবিক আতংকবিহীন পরিপূর্ণ এক শান্তি
কারণ, শান্তি ছাড়া

এ পৃথিবীতে আজ আর কিছ, কাম্য নেই
অতএব, শান্তি চাই — শান্তিহীন প্রতি জীবনে
শান্তি চাই আমাদের সকলের মন আর মননে
যুদ্ধে নয়, শান্তি চাই
ভালোবাসায় — হৃদয়ে হৃদয়ে
শান্তি চাই কবিতায় — শব্দের সন্মিত প্রণয়ে।

২২ ডিসেম্বর '৮৫

লন্ডন

স্বাধীনতাকে চেয়েছিলাম বলেই

স্বাধীনতাকে চেয়েছিলাম বলেই

একান্তরের তরুণ শব্দসৈনিক আমি মৃত্তি সেনানী হয়েছিলাম,

প্রিয়তম কলমের পরিবর্তে স্বয়ংক্রিয় অস্ত্র, আর

শব্দ ও উপমার সম্ভার ছেড়ে তাজা তাজা বুলেট আর গ্রেনেড হাতে

তুলে নিয়েছিলাম।

স্বাধীনতাকে চেয়েছিলাম বলেই

শোষকের বিশাল কালো থাবা থেকে

স্বাধীনতার রক্তিম সূর্যকে রক্তমূল্যে ছিনিয়ে এনে

সবুজ প্রান্তরের পটভূমিতে বসিয়ে বিজয় পতাকা বানিয়েছিলাম।

কিন্তু স্বাধীনতা কা'কে বলে-আজও বৃষ্টি

আজও জানিনি-স্বাধীনতা সে কেমন!

বৃষ্টিনা আজো-স্বাধীনতা যুদ্ধ করে কি চেয়েছিলাম।

আজ তাই-স্বাধীনতার এই দেড় যুগ পরেও

স্বাধীনতা-স্বাধীনতা- বলে অন্ধ দেয়ালে মিথ্যে মাথা ঠুকে মরি,

মেকী বন্ধুত্বের 'মেক-আপে'

শত্রুকে দেখে আজও তাই বন্ধ বলে ভুল করি,

পোষকের অন্তরালে শানানো ছুরি দেখেও

বন্ধ ভেবে বন্ধুকে জড়িয়ে ধরি।

এবার তাই রক্ত শপথ নিয়েছি

যদি আর কোন যুদ্ধ করি-

শত্রুকে আগে চিনে নেবো-বন্ধু নেবো বিজয়ের চূড়ান্ত লক্ষ্য।

স্বাধীনতাকে চেয়েছিলাম বলেই

একান্তরে অস্ত্র হাতে তুলে নিয়েছিলাম,

আর অর্থবহ স্বাধীনতাকে চাই বলেই

আজো হৃদয়ে জ্বালিয়ে রাখি প্রত্যয়ী শপথের এই অনিবার্ণ শিখা।

৫ মার্চ '৮৬

লন্ডন

প্রত্যাশার সোনালী বন্দর

ইদানীং আমরা সবাই যেন দঃসংবাদের হাতে বন্দী।
হেমন্তের গাঢ় কুয়াশার মতো
আমাদের জীবনের চারিদিকে কেবলি ঘনিষে আসে
দঃসংবাদের করাল ছায়া।

ঘুম থেকে উঠেই প্রথম যে সংবাদ পাই তাই দঃসংবাদ
কাগজের প্রথম পাতা জুড়ে দেখি শুধু দঃসংবাদেরই শিরোনাম।
জীবনের চারিদিকে কেবলি অন্যায় আর অসত্যের রাজত্ব
মানুষেরই সমাজে দেখি অমানবিকতার উৎকট উল্লাস।
আর স্বাধীনতার এই দেড় যুগ পরেও দেখি
স্বাধীনতা বন্দী ব্যক্তির ইচ্ছায় দাসত্বের শৃঙ্খলে,
মৌলিক অধিকারগুলো ঠিকানাবিহীন ঘরে বেড়ায়
অন্ন-বস্ত্রহীন ছিন্নমূল কোন বালকের মতো।

তবু জানি, অধিরের বুক চিরেই ফুটে উঠে ভোরের উজ্জ্বলতা,
তেমনি একদিন নিশ্চতই কেটে যাবে দঃসংবাদের এ অমা রজনীও।
তাই দঃসংবাদের প্রতীক্ষায় আছি
কবে দঃসংবাদের ধূসর কুয়াশা কেটে কেটে
দঃসংবাদের তরী এসে ভিড়বে আমার প্রত্যাশার সোনালী বন্দরে।

৬ মার্চ '৮৬

লন্ডন

প্রত্যক্ষ করবো ভোরের সূর্যোদয়

যুদ্ধ যুদ্ধ খেলা খেলেছি অনেক, হয়েছে অনেক রক্তক্ষয়,
রক্তে রক্তে লিখেছি ইতিহাস তবু হরনি'ক যুদ্ধজয়-।
যুদ্ধ করে কি আমি চেয়েছি
যুদ্ধ শেষে কি'ই বা পেয়েছি ?
তবে কি ব্যর্থ যুদ্ধ সব ?-আজ এ প্রশ্ন একার নয়।

বাহানে আমরা যুদ্ধ করেছি- মাতৃভাষা বাংলা চাই
একান্তরে স্বাধীনতা চেয়ে মরণপণ করেছি লড়াই।
তবু বাংলা বন্দী ফাইলের পাতায়
উপস্থিত শব্দ, মণ্ডে আর কবিতায়
আর স্বাধীনতা পেয়েও বলতে হয়-মুক্তি চাই।

অতএব এবারে আর আমাদের যুদ্ধ যুদ্ধ খেলা নয়
এবারে হবে শেষ যুদ্ধ-ছিনিয়ে নেব চূড়ান্ত বিজয়।
চূড়ান্ত সে যুদ্ধের প্রতীতি আজ শেষ
রাহিবের তাই জেগে আছি অনিমেষ
রাহিবশেষে আমরা সবাই প্রত্যক্ষ করবো ভোরের সূর্যোদয়।

৯ মার্চ '৬৬

লণ্ডন

এমন একদিন ছিল

এমন একদিন ছিল

আমাদের বীষ'বান পূর্ব'পূরুষেরা

হৃদয় উৎসারিত সংগীতের মূর্ছনায় লাঙল চালিয়েছে মাঠে

ফলিয়েছে রাশি রাশি ধান।

গোলা ভরে তুলে এনেছে

সারা বছরের হাসি আর আনন্দের ফসল।

কিন্তু সে আজ ইতিহাসের অন্তর্গত।

আজ কৃষকেরা ভূমিহীন।

উদয়াস্ত লাঙল চালিয়ে মাঠে য! ফলায় তারা

তার সিংহভাগ চলে যায় পরজীবী মূর্ছনাময়ের হাতে।

তাই, অধ'ভুক্ত শীর্ণ'কণ্ঠ কৃষকের হৃদয় তন্দ্রীতে,

সংগীতের সুর মূর্ছনায় নয়-বাজে শূন্য আজ বেদনার বীণ।

এমন একদিন ছিল

আমাদের আনন্দোচ্ছল পূর্ব'পূরুষেরা

বৈশাখী আর গাজনের মেলায় ভিড় জমিয়েছে

সারারাত জেগে শুনিয়ে পাল্লা গান আর কবির লড়াই।

কিন্তু সে আজ ইতিহাসের অন্তর্গত।

আজ আর আনন্দমেলা বসে না কোথাও;

পালাগান আর কবির লড়াইয়ে নয়-,

শংকাকুল কৃষকের বিনীত রজনী কাটে তন্দ্রকের ভয়ে।

এমন এক দিন ছিল

আমাদের অতিথি পরায়ণ পূর্বপুরুষেরা

প্রতিদিন আপনানন্দে অতিথি সৎকার করেছে,

প্রতি মনুহতে খবর নিয়েছে প্রতিবেশীদের সুখ-দুঃখের

একে অপরের আনন্দ-বেদনার শরীক হয়েছে,

গড়ে তুলেছে সামাজিক প্রীতি আর সৌহারদের অপূর্ব মিলনকেন্দ্র।

কিন্তু সে আজ ইতিহাসের অন্তর্গত।

আজ সামাজিক সম্প্রীতি নেই

মানবিক মূল্যবোধ হারিয়ে গেছে-ভালবাসা আজ অর্থহীন।

অতিথি সৎকার নয়-

প্রত্যেকেই আজ নিজ গৃহে অভুক্ত অতিথি।

এমন একদিন ছিল

আমাদের সমস্ত কিছই ছিল-

গোলাভরা ধান-বৃকভরা ভালবাসা-মানবিক মূল্যবোধ

কিন্তু বিহরাগত শিকড়হীন সভ্যতা

আমাদের হৃদয় থেকে শূন্যে নিয়ে গেছে সমস্ত ভালবাসা

হরণ করে নিয়ে গেছে মানবিক মূল্যবোধ।

আর এই সভ্যতার সদুযোগ-সন্ধানী জারজ সন্তানেরা

চুরি করে নিয়ে গেছে বাকী যা কিছই ছিল-

আমাদের সম্পদ, আমাদের বীর্ষ আর সমস্ত অধিকার।

৮ই জুলাই '৮৬

লন্ডন

মালবিকা, তুমি কোথায় ?

হৃদয়ের অনন্ত আকাশ জুড়ে যখন
বিষাদ আর নৈরাণ্য মেলে দেয় বিনাশের নিরংশী অন্ধকার,
চেতনার রাজ্য জুড়ে যখন ক্ষুধাত' অবক্ষয়
ক্রমশঃ কুরে কুরে খায় সমস্ত মানবিক মূল্যবোধ,
আমার ভালোবাসার দীপাবলী তখন
একে একে নিভে যেতে থাকে মননের স্বর্ণবেদী থেকে।
আর আমি ক্রমশঃ নিমজ্জিত হই বিনষ্টির অতলাস্ত গহবরে-
যেন শব্দর টপে'ডো-আক্রান্ত এইচ এম এস শে'ফিল্ড।
তবুও, অন্ধকারের এই অন্তহীন আগ্রাসনের মাঝেও
আমি প্রাণপণ চেষ্টা চালাই ভালোবাসার একটি প্রদীপ জ্বালাতে।
কিন্তু কোথায় আমার ভালোবাসার মালবিকা?
এখানে প্রতিদিন রাস্তায়, বাসে, টিউবে এক্সকালেক্টরে
মুখোমুখি হই অসংখ্য স্বল্পবাস সুন্দরী রমণীদের
ষাদের সৌন্দর্য'-চর্চিত রমণীয় মুখ থেকে নিঃসৃত হয়
কেবলি যান্ত্রিক শব্দময়তা,
ষাদের গতিময়তার সাথে তরংগিত বৃক্কের উত্থান পতনে
কেবলি বোর্ণ'মাউথের বিভংগিত বীচমালার আহবান
ষাদের রেখাময় সুডোল নিতম্বের বিপুল আন্দোলনে
কেবলি জাজ সংগীতের উম্মাদনা,
আর নগ্ন পদযুগলের ছন্দিত সঞ্চালনে
কেবলি নাগরিক অস্থিরতা।
এখানে আমার একান্তে ভালোবাসার মালবিকা কোথায়-

কোথায় চারুভক্তা-‘মুখোমুখি বসিবার বনলতা সেন’?
আজ তাই আমি খুঁজে ফিরি আমার ভালোবাসার মালবিকাকে
যার হৃদয়ের বিশাল পিদিমে আমার হৃদয়ের সলতে জ্বালিয়ে
আমি ভালোবাসার প্রদীপ জ্বালাতে চাই।
কারণ আমি তো জানি
কোনো পারমাণবিক অস্ত্র প্রতিযোগিতা বা তারকা বন্ধের কর্মসূচী,
এমন কি কোনো ‘সল্ট’ চুক্তি ও নয়
একমাত্র ভালোবাসার নির্মল প্রদীপের আলোই
আমাদের সকলকে অন্ধকারের এই আগ্রাসন থেকে বাঁচতে পারে
আমি তাই আমার মালবিকাকে ঘিরে
আমার ভালোবাসার প্রদীপ জ্বালাতে চাই।

২০ জুলাই '৮৬

লন্ডন

এভন নদীর তীরে

মহত্তম এক কবি-পুরুষের শিল্পীত শিলামূর্তি'র পদ ছুঁয়ে
ক্ষীণাংগী রমণীর মতো নীরব উচ্ছলতায় বয়ে চলা,

হে সুন্দরী এভন,

তোমার পারে পারে ভিড় করা 'হলিডে-মেকার'দের

কল্লোলিত কলতানে

দুপাশের পত্র-পুষ্পে পল্লবিত বৃক্ষরাজির পল্লব-মর্মরে

আর তোমার ফেনায়িত বৃকের উপর দিয়ে

রাজহংসের সাবলীলতায় ঢেউ কেটে চলা জলযানগুলোর শব্দত গতি—
সমস্ত কিছতেই তুমি অমিত বৈভবে ধরে আছে।

উইলিয়াম শেক্সপীয়ারের স্মৃতিময় সিম্ফনী।

এভন, তোমার ফেন-শীষ' ছুঁয়ে গড়ে ওঠা

'রয়েল শেক্সপীয়ার থিয়েটার' বা 'শেক্সপীয়ারের জগত'

যেমন মূহূর্তে' আমাদের করে তুলে অতীতশ্রমী;

তেমনি কোনো শিল্পীর শিল্পীত ক্যানভাসের মতো

মৌলিক আংগিকে সাজিয়ে রাখা তার জন্মতীর্থ' বা 'গ্রামার স্কুল'

আমাদের প্রবল দ্রুতিতে নিয়ে যায় সেই শেক্সপীয়ারীয় জগতে

সাহিত্যের এই প্রবাদ-পুরুষের বিভাবিত স্মৃতিস্তুপের পাশে

কেরারী করা ফুলের ধারে বসে উজ্জ্বল এক প্রোঢ় দম্পতি

বৃষ্টির আলাপ চারিতায় খুঁজে ফেরে সাহিত্যের কোনো গঢ় তত্ত্ব।

আর, পারস্পরিক সান্নিধ্যে ভালবাসার উষ্ণতা খুঁজে ফেরা।

চিড়িয়াখানার সেই যুগল শিম্পাঞ্জীর মতো,

নাতিপ্রশস্ত পাকের এ পাশে বসা এক উচ্ছল দম্পতিও

এই জনারণ্যের মাঝে খুঁজে ফেরে কেবলি সান্নিধ্যের উষ্ণতা ।
তারই পাশাপাশি স্বল্পবাস এক শ্যামাঙ্গী সুন্দরী
তিরিশ পেন্সের বিনিময়ে ফেরি করে ফেরে
আরাম কেদারার সাময়িক আরাম ।
আর বাংলার সহজ শ্যামলিমায় বেড়ে ওঠা
আমরা চারটি যুবক তখন
কালের সীমানা পেরিয়ে আকন্ঠ নিমগ্ন আপন দঃখ বিলাশে ।
আর এভন, এই সব কিছুর নিয়ে তুমি তোমার সমগ্র অবয়বে
মহান এই কবি-পুরুষের পরিপূর্ণ স্মৃতিকে ধারণ করে ।
আপন বৈভবে নীরবে রয়ে চলেছো
সেকাল থেকে একাল-আর অনন্ত কালের পথ ধরে ।

২৬ আগস্ট'৮৬
লন্ডন

স্বগত উচ্চারণ

আমাদের প্রাত্যহিকতায়
আমরা প্রতিনিয়ত মন্থোমন্থি হই একটি প্রশ্নের-
ভালো আছেন ?
আসলে, আমরা কেউই ভালো নই ।
আমাদের সারা অঙ্গে অঙ্গে যেখানে
উপেক্ষা বণ্ডনা আর দারিদ্রিক্রিষ্টতার স্পষ্ট ছাপ,
হৃদয় যেখানে না পাওয়ার বেদনায় আত'
মিস্ত্রকের কোষে কোষে ধবক্ ধবক্ করছে যেখানে
বিভেদ আর বৈষম্যের বিরুদ্ধে ছাই চাপা আগুন,
সেখানে আমরা ভালো থাকি কি করে ?
যখন দেখি-স্বদেশ, আমার প্রিয় স্বদেশ
উল্টোরথে সওয়ার হয়ে চলেছে প্রগতির প্রতিকূলে,
ন্যায়, নীতি আর মানবিকতা বন্দী অসদ্বৃ্ততার কারণে
আর যখন দেখি অর্থের সুষম বন্টন বলে
চীৎকার করে গলা ফাটাচ্ছে যারা
তারাই ক্ষুধাত' মানুষের মিছিলকে দীর্ঘতর করে
গড়ে তুলেছে ধনের পাহাড় ।
তখন, আমাদের ভালো থাকা-সে কেবলি বাতুলতা ।
তবু, এই সমস্ত বাস্তবতাকেই উপেক্ষা করে
মিথো বলেই বলি- ভালো আছি- ভালো আছি ।
কিন্তু কতদিন আর এই আত্মপ্রবণ্ডনা ?
আর কতদিন শুধু মিথো দিয়ে ঢেকে যাবো এই রূঢ় বাস্তবতা ?
কোনো দিনও কি আমরা অর্জন করবো না
সত্যকে সত্য বলে ঘোষণা দেয়ার স্বাভাবিক সংসাহস ?
আমাদের বোধের গভীরে কি
কখনো জন্ম নেবে না একটি সদৃশ জীবনবোধ ?
কিন্তু সে কবে... ?

০৯ সেপ্টেম্বর '৮৬

লন্ডন

ভালোবাসার কথামালা

আজন্ম আমি কেবল ভালোই বেসেছি।
ভালোবাসি আমি প্রকৃতির বিশাল অংগন।
ভালোবাসি সৃষ্টির এই অপার রহস্য
ভালোবাসি আমি পৃথিবীর তাবৎ সুন্দরী রমণীদের
আর ভালোবাসা-তাকে ভালোবেসেই ভালোবেসেছি তোমাকে,
হে প্রিয়তমা,
ভালোবাসার রূপ মূগ্ধ আমি এক শবর যুবক।
আমি তাই তোমার রূপ চর্চিত নাগরিক লাভণ্যের মাঝে
খুঁজে ফিরি গ্রাম্য আদিমতা
মার্জিত মাধুর্যের মাঝে স্বাভাবিক সরলতা
আর তোমার পরিশীলিত হাসির অন্তরালে
খুঁজি আমি কোন গ্রাম্য বালিকার সহজ সলাজ হাসি
আজীবন আমি শুধু ভালোবাসাই পেয়েছি
স্বদেশ দিয়েছে আমার তার সহজাত ভালোবাসা।
জননী দিয়েছে প্রকৃতির মতো অকুপণ ভালোবাসার উষ্ণধারা
বোনের কাছে পেয়েছি আমি পুষ্পের মতো ভালোবাসার স্বচ্ছতা
আর প্রিয়তমা, তোমার ভালোবাসার উষ্ণতা দিয়েছে আমার
সৃষ্টির অনন্ত অনুপ্রেরণা;
ভালোবাসার কাছে আবদ্ধ আমি তাই এক অপরিশোধ্য ঋণে।
আমি আজ তাই স্থির প্রতিজ্ঞ
ক্রম-হ্রাসমান ভালোবাসার এই বিশাল পৃথিবী জুড়ে
আমার হৃদয়ের সমস্ত উষ্ণতা ঢেলে
সৃষ্টি করবো আমি ভালোবাসার এক অভয়ারণ্য

যেখানে কামাত' কোনো নিষাদ যুবকের ভয়ে
পালিয়ে বেড়াবে না। আর ভালোবাসার হরিণ শাবক।
এমনি করেই
ভালোবাসার এ ঋণ আমি শোধ করে যাবো আজীবন
ভালোবাসার কাছে এ আমার আজন্মের অংগীকার

১১ অক্টোবর'৮৬

লন্ডন

একদিন আমি যখন চলে যাবো

একদিন আমি যখন চলে যাবো দূরে-অনেক দূরে,
তোমার ভালোবাসার উষ্ণতার স্পর্শসুখ থেকে বহুদূরে
জানি, সেদিনও তুমি তোমার মোহনীয় অবয়ব জুড়ে
তেমনি ছড়াবে মন্থতার আবেশ।

আফেত্রাদিতর মতো অপ্রতিরোধ্য সম্মোহনী শক্তি দিয়ে
তেমনি তুমি মোহিত করবে আমার মতো অনেক মোহন পরদৃষকে;
এই আজকের মতোই সেদিন ও তুমি
তেমনি হবে কতো কবিতার উৎস-সৃষ্টিশীলতার জারিত রস।
তবু, কখনও কোনো বর্ষনমুখর রাতে
যদি হৃদয়ের নিভূতে কোনো অচেনা ব্যথা খচ্, খচ্ করে উঠে
টেলিফোনে কারও কণ্ঠস্বর শুনবে যদি
হঠাৎ উদাস হয়ে যায় মন-মনে পড়ে আমাকে
তবে আমার এ কবিতাখানি খুঁজে পড়ো-
ছন্দের অন্তরালে আমাকেই খুঁজে পাবে তুমি এখানে
আমি তাই আমার হৃদয়ের সমস্ত উষ্ণতা ঢেলে
রচনা করে গেলাম শব্দের এ সম্পন্ন প্রতিমা।

০১ নভেম্বর '৮৬

লন্ডন

প্রতীক্ষা

একদিন

আমার অন্তর্ভেদী দৃষ্টির স্বচ্ছতা হঠাৎ ধূসর হয়ে গেলো।

আজ মনে পড়ে না-

সেইকি স্বপ্ন ছিলো-নাকি জেগে দেখা দিবাস্বপ্ন?

কিন্তু দেখলাম-এক গাঢ়তর অন্ধকার এসে ঢেকে দিলো

মাথার উপরে দীপ্যমান মধ্যাহ্ন সূর্যের দীপ্তি।

আমরা সবাই তারস্বরে চীৎকার করে উঠলাম-

'প্রিমিথিউস', 'প্রিমিথিউস'।

তারপর এক বিশাল নিঃশব্দতা এসে গ্রাস করলো

আমাদের পরিপার্শ্ব।

মুহূর্তে আমাদের সমস্ত বাক-শক্তি রহিত হয়ে গেলো,

আমরা বোবা কান্নায় গুমরে উঠতে উঠতে কামনা করলাম

সর্বপ্লাবী এ নিঃশব্দ নিমিষে চরম করে দিয়ে

অনন্তঃ একবার বেজে উঠুক জীবনের পাণ্ডজন্য।

কিন্তু কোথায় প্রিমিথিউস-

যে আমাদের অন্ধকার মননে জ্বালাবে আলোর শিখা?

কোথায় ধনঞ্জয়-

সমস্ত নিঃশব্দতা ভেংগে জীবনের শঙ্খরবে

যে রাজাবে চৈতন্যের পাণ্ডজন্য?

বরং দেখলাম মুখোশধারী কতিপয় স্বার্থী

মানুষ আপন 'তখ-ত-তাউশ' বহাল তবিয়তে রাখার খেলা

পাগল বৈজ্ঞানিকের মতো নিয়ত চালিয়ে যাচ্ছে

বিবিধ তন্ত্র-মন্ত্রের তন্তুহীন পরীক্ষা-নিরীক্ষা।

আর আমরা-এই নিরীহ মানুষেরা-
কেবলি তার নিরুপায় গিনিপিগ।
কিন্তু অমৃতের সন্তান হয়েও
আমরা প্রতি মূহুর্তে মূহুর্তে কাপুরুষের মতো।
কেবল মৃত্যুকেই নিবিরোধ বরণ করে যাবো ?
কেন আমরা সকল কাজেই কেবলি পরের প্রত্যাশী হবো ?
আমরা কি সবপ্লাবী এ অন্ধকার বিদীর্ণ করে
মননের শানিত আলোকে একবার জ্বলে উঠতে পারিনা ?
আমরা কি নৈঃশব্দের এ কারা-প্রাচীর ভেঙে
সবাই সম্ভব্রে একবার চীৎকার করে উঠতে পারিনা ?
আমি জানি-আমরা তা পারি
এবং নিশ্চতই আমরা একদিন তা করবো।
প্রতীক্ষা-শুধু মাহেন্দ্র মূহুর্তের।

২১ নভেম্বর '৪৬

লন্ডন

আমি স্বপ্ন দেখতে চাই

ইদানীং আমি আর স্বপ্ন দেখি না।
কারণ, এখন আর স্বপ্নে আমি আগের মতো
বর্ণিল ভবিষ্যতের প্রতি উন্মুখ হতে পারি না।
বরং স্বপ্ন এখন আমাকে কেবলই
আতঙ্ক আর ভীত-বিহ্বলতায় আক্রান্ত করে।

আমার স্বপ্নের নীলিমায় যখন
সালাম বরকত আসাদের মতো আমার অগ্রজেরা
অথবা একাত্তরের শহীদ সহযোদ্ধারা এসে প্রশ্ন করে
তাদের আবদ্ধ কর্মের সফল সমাপ্তি কোথায়?
তখন আমার বিব্রত বোধ করা ছাড়া
আর কিছুই করার থাকে না।

আবার যখন দেখি
একাত্তরে আমারই মা-বোনদের ইচ্ছত লুণ্ঠন করেও
যারা বেঁচে-বতে আছে বহাল তবিয়তে,
সেই নারকীয় পশুরাই করে করে খায় আমার স্বপ্নের নীলিমা
তখন, কেবলই আতঙ্কগ্রস্ত হই।
আমি তাই আজ আর স্বপ্ন দেখিনা-
স্বপ্ন দেখতে পারি না।

অথচ দারিদ্র্যপীড়িত তৃতীয় বিশ্বের নিম্ন মধ্যবিত্ত এক বৃদ্ধকের কাছে]
স্বপ্ন ছাড়া আর কীই বা সম্বল আছে?
কিন্তু স্বপ্ন দেখার সেই একমাত্র অধিকার থেকেও আজ আমি বঞ্চিত।

আজ তাই আমার একমাত্র অগ্নিময় উচ্চারণ-
আমি স্বপ্ন দেখতে চাই;
অর্থ নয়, বশ নয়-এমনকি রাজনৈতিক ক্ষমতাও নয়
আমি শুধু একটি স্বপ্ন দেখার অধিকার ফিরে পেতে চাই।

২৬ নভেম্বর '৮৬

লন্ডন

উর্ধ্বে তুলে ধরবো বিজয় পতাকা

একাত্তরের ষোলই ডিসেম্বরে
মুক্তিকামী জনতা যখন বিজয় উৎসবে মেতেছিলো
আমিও তখন মা, তোমার শাড়ীর আঁচল ছিঁড়ে
মুক্ত আকাশে বিজয় পতাকা উড়িয়েছিলাম।
কিন্তু মা, সে বিজয় পতাকা আমি উর্ধ্বে ধরে রাখতে পারিনি,
ঝড়ো হাওয়া আর শকুনিরা এসে তা ভুলদাঁঠিত করে দিয়েছিলো।
তারপর ক্রমশঃ তার উপর জমে উঠেছিলো
কালের হাওয়ার ঝগে নিয়ে আসা বিস্মৃতির জঞ্জাল।

আজ পনের বৎসর পর—ছিয়াশির এই ষোলই ডিসেম্বরে
খুব ইচ্ছে করছে মা—আবার নতুন করে বিজয় পতাকা বানাই।
তবে এবার যদি বিজয় পতাকা বানাই,
তুমি নিশ্চিত থেকে মা,
এবার আর তা ভুলদাঁঠিত হতে দেবো না।
এবার আমি তাকে উর্ধ্বে তুলে ধরে রাখবোই, যে কোনো মূল্যে।

২৮ নভেম্বর '৮৬

লন্ডন

ছল করে হলেও বলে। ভালোবাসি

অসুস্থ সময়ের কারাপ্রকোষ্ঠে বন্দী
তোমার হৃদয়, জানি, সেও আজ কীটানুদুষ্ট।
যদিও হৃদয়ের মতো বিশালতা আর কিছুরই নেই,
তবু, তোমার হৃদয়ে আজ একবিদ্যুৎ, ভালোবাসা নেই
নেই আমার জন্যে এতোটুকু স্থান।
কারণ, তোমার সারাটা হৃদয় জুড়ে আজ
কৈবলি বিষাদিত চৈতন্য আর রুগ্নতার অধিষ্ঠান।
অথচ তোমার হৃদয়েরই বা দোষ কি?
সারা বিশ্ব জুড়ে আজ যেখানে
শান্তি আর আনন্দের শব্দাহ হচ্ছে সভ্যতার চিতায়
যারই ধূস্রজাল দেখি পেন্টাগনে-ফ্রান্সে, চেরনোবিল ভূপালে,
বৈরুত আর ত্রিপুরার আকাশে ঝাতাসে;
সেখানে তোমার হৃদয়, কি করে আশা করি
অনাঘাত কুসুমের মতো নিষ্কলুষ থেকে যাবে?
তবু, যেহেতু কল্পনাই মানুষকে মহত্তম করে,
তাই বলি-অন্ততঃ কল্পনায় তুমি তোমার হৃদয়-সাম্রাজ্যে
বিষাদ আর আশান্তির পাশাপাশি

শান্তি আর আনন্দের সহাবস্থান ঘটাও;
মিথ্যে জেনেও অন্ততঃ একবার তুমি ছল করে বলে-ভালোবাসি।
আমার দুচোখের গভীর লেন্সে প্রতিফলিত তোমার মোহন অবয়ব
গোপনে আমি যেমন ধরে রাখি আমার হৃদয়ের নেগেটিভে,
তেমনি তোমার ছল করে বলা এ ভালোবাসার স্বীকারোক্তি ও

আমি সযত্নে লালন করবো আমার হৃদয়ের গোপন কাসকেটে
যা একদিন ধীরে ধীরে বংশবৃদ্ধি ঘটাবে হৃদয়ের উষ্ণতা পেয়ে,
এবং একদিন আমি ভালোবাসার সেই বীজাণু,
শান্তির ধবল কপোত বানিয়ে
সারা বিশ্বে ছড়িয়ে দেবো মহামারীর মতো।
তাই বলি-ছল করে হলেও বলা একবার-ভালোবাসি
হে প্রিয়তমা আমার।

০৪ ডিসেম্বর '৮৬

লন্ডন

একটি কবিতার জন্ম

একটি কাবতা জন্ম নেবে
তারই প্রস্তুতি লগ্ন চলছে এখন আমার,
বিশেষজ্ঞরা সমস্ত লক্ষণ মিলিয়ে নির্ধারণ করেছেন সম্ভাব্য দিন-ক্ষণ
এখন শুধু প্রতীক্ষা সেই একান্ত মনুহৃতের।
একটি কবিতাই একজন কবিকে অমর রাখে।
কে জানে-হয়তো আমার এ কবিতা সে রকম কিছুর হবে।
হয়তো আমার এ কবিতা আমার অন্তর্জ্বল অতীতের ভিত্তিভূমিতে
রচনা করবে এক সোনালী ভবিষ্যৎ,
আমার অন্ধকার জীবনের দ্বারপ্রান্তে নিয়ে আসবে
সমস্ত দিগংগন আলোকিত করা এক অতুজ্জ্বল শিখা
হয়তো এ কবিতা তার জন্মের মনুহৃতেরই
নিমেষে মূছে দেবে সারা বিশ্ব থেকে সমস্ত বুদ্ধাক্ষমাদনা
কে জানে-হয়তো এ কবিতাই হবে
সমস্ত আগ্রাসনের বস্তুকে শান্তিকামী মানুষের হিরন্ময় হাতয়ার।
কিন্তু যতাই ঘনিষ্ঠে আসছে কাঙ্খিত সে মনুহৃত
হৃদয়ের গভীরে ততাই ঘনীভূত হচ্ছে কেবলি এক গোপন ভয়
-আসন্ন জাতকের অমংগল চিন্তায়।
যদিও জানি 'এইডসে' আক্রান্ত হওয়ার মতো

চারিত্রিক কলুষতা আমার নেই।

চেরনোবিল-ভূপালের তেজস্ক্রীয় বিকিরণের প্রভাব বলয় থেকে

নিরাপদ দূরত্বে আছি আমি

তবু ভয় আমার-আসন্ন এ জাতকের জন্যে যতো ভয়

কে জানে-উন্মাদগামী শিকড়হীন এ সভ্যতার

০৪ এপ্রিল '৮৬

লন্ডন

কোন কুপ্রভাব এসে পড়বে আগামী এ শিশুর উপর।
আর তার ফলে হয়তো আমার এ কবিতা শিশু
বিকলাঙ্গ হবে বা হতে পারে মানসিক প্রতিবন্ধী
অথবা হয়তো জন্মের সময় সিজারিয়ান অপারেশনে
ষাণ্ঠক বা মানবিক সামান্য ভুলে অংগহানি ঘটেবে শিশুর
-এমনি কতো ভয় আমার আসন্ন এ জাতককে নিয়ে।
তাই হে প্রিয় পাঠক-কবিতা অনুরাগী সুহৃদ,
শুধু প্রার্থনা কবে,
কোনো সিজারিয়ান ছাড়াই স্বাভাবিক উপায়ে
স্বাভাবিক জাতক হয়ে জন্ম নেয় যেনো
আমার এ কবিতা শিশু।

০৪ ডিসেম্বর '৮৬

লন্ডন

শুভের সূর্যোদয়

সারা বিশ্বে জুড়ে আজ সমস্ত শুভের আকাশ।
পৃথিবীতে আজ কোথাও শান্তি নেই-হৃদয়ে ভালোবাসা নেই।
রেগান-থেচার-মিতেংগা-রা মিলে ইস্যু করা
পারমাণবিক ওয়ারেন্ট-এর ভয়ে শান্তি আজ পলাতক আসামী।
প্রগতির নামে ক্রমাগত শূন্যতার অভিমুখী
শিকড়হীন এ যন্ত্র-সভ্যতার অশুভ প্রভাবে
আমাদের হৃদয় আজ খরাপিড়িত ইথিওপিয়ান মতো চৌচির
-সেখানে ভালোবাসা কেবলি মিথ্যে মরীচিকা।
আমাদের মননে আজ মেরুর বক্ষ্যত্ব
সৃষ্টিশীল চেতনা যেন গভীর বরফে ঢাকা স্কটল্যান্ড বা কেন্ট,
মানবিকতার তাপমান যন্ত্রের কাঁটা
নিরত কম্পানি ফ্রীজিং পয়েন্টের নীচে;
আমাদের মেধা আক্রান্ত আজ 'পারকিন্সস ডিজিজ-এ
স্বপ্নেরা সব নির্বাসিত
অবচেতনের সৈন্দলগ্লেডে কেবলিই 'এইডস'-এর আতঙ্ক।
তবু-তবু আমি ভালোবাসা চাই-চাই পরিপূর্ণ শান্তি,
আমি চাই একটি সম্পন্ন হৃদয়
অশুভের এ বিশাল মরু-প্রান্তরে যে হৃদয় হবে
প্রত্যাশিত স্বপ্নের এক সুনীল মরুদ্যান
যেখানে ভালোবাসার সবুজ বৃক্ষেরা
অকুপন ছড়াবে শান্তির সূর্যীতল ছায়া,।
আমি চাই অশুভের সমস্ত কু-প্রভাবের হোক আজ অবসান
আমাদের চেতন্যের অধার প্রকোষ্ঠে! ঘটুক শুভের সূর্যোদয়।

২৫ জানুয়ারী '৮৭

লন্ডন

আজন্ম আমার প্রতিদিনই একুশ

রক্তঝরা বাহানের পর তেপানের ফেরদয়ারীতে জন্ম আমার.
শতাব্দীর শান্ত সমুদ্রে যে উত্তাল ঝড় তুলেছিল বহান
তার রেশা তখনও কাটেনি।

কোটি বাঙালীর হৃদয় সমুদ্রে তখনও ফেনিল উন্মত্ততা,
অকস্মাৎ ঝুঁটির পর মাটির সোঁদা গজের মতো
বাতাসে বাতাসে তখনও বিদ্রোহের ঝাঁঝালো আবেশ।
আমার প্রতি নিঃশ্বাসে প্রশ্বাসে ছিল সেই বিদ্রোহেরই রেশ
প্রতি ধমনীর শোণিত প্রবাহে সেই উর্মি মধুরতা
নিতান্ত অগোচরেই সেদিন হৃদয়ে ধারণ করছি আমি
আমার জন্মের নমস্ত আবহ।

আমার ফাল্গুনে তাই

গোলাপ বকুল আর মহদুরার মদির আবেশা নেই
সেখানে কেবলি কৃষ্ণচূড়া, পলাশ আর মান্দারের উদ্ধত মিছিল।
বৃক্ষের ঘেমন শিকড় প্রোথিত থাকে মাটির গভীরে
তেমনি আমার উপলব্ধির সমস্ত গভীরতা জুড়ে সেই একান্ত অনুভূতি
আমি তাই বারংবার ফিরে যাই আমার জন্মের কাছে;
আজন্ম আমার তাই প্রতিদিনই একুশ।
আর তাই আনুষ্ঠানিকতার একুশ এলেই

আমি কেমন বিবর্তবোধ করতে থাকি।

যখন দেখি-

আত্মবিক্রীত বুদ্ধিজীবির প্রলাপ

আর ক্ষমতার পদলেহী রাজনীতিকের আশ্ফালনে

২৬ জানুয়ারী '৬৭

লন্ডন

একুশের আজন্মের বিদ্রোহী চেতনায় মালিন্য পড়ে,
অথবা ধর্মচোরা দেশপ্রেমিক যখন নীতিবাক্য শুনায়
আর ক্ষমতাধরেরা মিথ্যে প্রতিশ্রুতির ফুলবাড়ি ছড়ায়
তখন আমার রক্তে ছলকে উঠে বরকতেরই রক্ত।
আমাদের বিপ্লবীপ্রিয় বৃহত্তের মগ্ন চেতন্যে
একুশের বিপ্লবী চেতনার জন্ম দিতে
জানি আজ প্রয়োজন আর একটি একুশের।
আমি তাই আমার প্রতি শোণিত বিন্দু দিয়ে
সৃষ্টি করে যাই এক একটি রক্তবীজের,
প্রতি মর্হতে মর্হতে লালন করে চলি
জন্মের অধিকারে প্রাপ্ত আমার একুশী চেতনার।
আর তাই, আজন্ম আমার প্রতিদিনই একুশ।

২৬ জানুয়ারী '৮৭
লন্ডন

কবিতার কথকতা

কবিতা যদি হয় রাজ-অনুগ্রহপ্রার্থী
তবে সে কবিতা আমার নয়
আমি সে কবিতা লিখবো না ।
শব্দ যদি বন্দী থাকে নীতি নিয়মের দাসত্বের শৃঙ্খলে
শব্দের পরমানন্দ যদি হারিয়ে ফেলে তার বিস্ফোরণ ক্ষমতা
তবে সে শব্দের কারুকার আমি হতে চাই না ।
ধ্বনির গভীরে যদি বাণী না থাকে
কারো হৃদয়ের অনুরগনে সে ধ্বনি যদি প্রতিধ্বনি না জাগাতে পারে
তবে অর্থহীন সে ধ্বনিময়তার রূপকার আমি হবো না
আমার কবিতা হবে
জয়নুলের দড়ি ছেঁড়া ষাণ্ডের মতো উন্মত-স্বাধীন
শব্দ হবে গ্রাম্য কিশোরের দুরন্তপনার মতো অবাধ উচ্ছল
আর ধ্বনি হবে কাল বোশেখীর মতো উদ্দাম
যার হৃদয়ের গভীরে থাকবে নৃতনের আবাহনী সংগীত ।
আমি তাই সন্দীর্ষ মিছিলের প্রতিটি দীপ্ত মূখকে এনে
স্বল্পে সাজিয়েছি আমার কবিতার প্রিমি অঙ্গে অঙ্গে
শব্দের অগুণ্ডে পরমাণুতে নিষিক্ত করেছি বিদ্রোহের অঙ্কুরিত বীজ
আর ধ্বনির শঙ্খরশ্মি দিয়েছি আমি অফিয়ুসের বাঁশরীর সুর ।
কবিতা কি এবং কেমন হবে
এ নিয়ে বিধার কোনে অবকাশ নেই আজ আর ।
কারণ—কবিতার প্রকৃতির আর চারিত্র আজ নির্ধারিত :
কবিরা আজম বিদ্রোহী
আর সৃষ্টি চিরকাল বিদ্রোহেরই নামাস্তর ।
অতএব রাজ প্রশস্তি নয়
কবিতা হবে অবির্নাশী গণ-চেতনারই মূর্ত প্রকাশ
আমাদের মগ্ন চেতন্যে বিপ্লবী চেতনার উদ্ভিন্ন উদ্ভাস ।
০৪ এপ্রিল / ৮৭
লন্ডন